

第二章 陶泥類

一、殘陶片 圖版六：圖1—4
圖版七：插圖1—2

圖1：青灰色。現存陶器口腹之一部。高一五厘，寬八〇厘，厚五厘。微曲。表面浮刻繩紋四道。面有裂痕，不平整，蓋爲手搏法所製。裏刷淺紅色。口齊，中含石子。疑此爲桶狀容器之殘塊，復原求之，口徑當爲一九六厘也。

圖2：亦爲口部殘塊。高五〇厘，寬一二〇厘，厚六厘。青灰色，中含石子。內外刷紅，表面浮刻繩紋三道。口齊，微曲，表面光平，裏不平整，蓋亦爲手搏法所製。疑此亦爲桶狀容器之殘塊，復原求之，口徑當爲一九六厘，其大小之度，與圖1同，花紋相差亦不甚遠也。（插圖1）

圖3：爲一陶器口腹殘部。高一〇五厘，上寬七〇厘，厚六厘。紅泥質，中含石子。口齊微仰，腹微鼓。肩部有一鼻，高二〇厘，寬三二厘；中穿一孔，徑八厘。內外塗紅衣，現已剝蝕。肩部、腹部、底緣均繪有繩組紋帶，作紫色，已失其鮮明。底邊微損，內外不甚光平，疑亦爲手搏法所製也。此疑爲陶罐之殘部，當有同樣兩鼻，以繫繩縲，便爲提携之具也。復原求之，口徑當爲一八〇厘，底徑與同，但腹微鼓起耳。（插圖2）

圖4：爲陶器下部殘件。紅泥質，中含石子。裏外均不平整，疑亦爲手搏法所製。腹爲墨畫線條紋，現存七條。圓底。高六五厘，寬七〇厘，厚四厘，底厚八厘。復原求之，底徑當爲一四〇厘也。此件疑亦爲容器，若杯碗之類也。

圖5：爲陶器柄部，沙土質，黝色，不甚光平。

圖6：爲殘陶片，質色同上。

以上二件，均在孔雀河沿岸沙磧中所拾，同時尚拾有底部穿孔陶器及銅件，皆兩千年遺物也。